


SRCE VELEŽA
HEART OF VELEŽ

BIG WALL CLIMBING ZONE / FERRATA / HIKING TRAIL



Alpinistički kamp i promocija projekta "Srce Veleža"





„Srce Veleža“ je alpinistički kamp u podnožju sjeveroistočne stjenovite barijere planine Velež, opština Nevesinje, koji okuplja alpiniste, planinare i sve ljubitelje prirode, sa ciljem promocije Veleža kao sadržajne turističke destinacije avanturističkog turizma. Prvi put se organizuje u oktobru 2019 godine, uz podršku MarketMakersa, nakon postavljanja alpinističke infrastrukture, uređenih alpinističkih smjerova, Via ferrate i uređenja planinarske staze.

Alpinistički kamp „Srce Veleža“ je planiran da traje tri dana, petak-nedjelja 25.-27. oktobar 2019. godine. Glavne aktivnosti su:

- promocija projekta „Srce Veleža“ i podrške MarketMakers-a
- promocija Alpinističkog vodiča za Velež
- penjanje alpinističkim smjerovima,
- penjanje Via ferratom i
- hiking planinarskom stazom na vrh Botin

„Srce Veleža“ se održava na području sjeveroistočne strane planine Velež, opština Nevesinje, nekih 12 km udaljena od samog naselja. Do mjesta događaja moguć je pristup automobilom. U neposrednoj blizini je prirodno jezero što čini ambijent posebnim i jedinstvenim. Na navedenoj lokaciji je obezbjeđen i uređen prostor za kamp, tj. smještaj učesnika i sa ovog mjesta je polazište planinarske staze koja vodi do vrha Botin. Ova planinarska staza vodi i do same stjenovite barijere odakle kreću alpinističke smjeri i Via ferrata. Procijenjeno je da je od početka planinarske staze do polazišta alpinističkih smjeri i Via ferrate potrebno oko 1,5 h hoda, dok je do vrha Botin potrebno oko 4,5 h hoda. Također, procjena je da penjanje samom Via ferratom traje oko 3,5 h, dok je za povratak sa vrha Botin, planinarskom stazom potrebno oko 4,5 h.

Program

Lokacija: „Srce Veleža“ se održava na području sjeveroistočne strane planine Velež u blizini prirodnog jezera, nadomak sela Lakat.

Petak 25.10.2019:

13:00-14:00 Otvorenje info pulta, registracija učesnika, doček gostiju, raspored gostiju u smještajnim kapacitetima na predviđenom mjestima za kamp i unutar planinske kuće.

14:00-15:00 Promocija projekta „Srce Veleža“ i podrške MarketMakers-a.

15:00-16:00 Promocija Alpinističkog vodiča Velež, autori Dragan Ilić i Emira Hukić

16:00 - Slobodne aktivnosti

Subota 26.10.2019:

Grupa A

06:00 - 7:30 Organizirani polazak i dolazak do podnožja ferrate

07:45 - 11:00 Penjanje ferrate sa vodičima

11:30 - 17:00 Povratak

Grupa B

06:00 - 11:00 Organizirani polazak sa vodičima i pristup markiranom stazom na vrh Botina

11:30 - 17:00 Povratak

Grupa C

Penjanje alpinističkih smjeri po vlastitom izboru

Nedjelja 27.10.2019

07:00 - 14:00 Penjanje po izboru

14:00 - Svečano zatvaranje događaja „Srce Veleža“

Podaci o alternativnom smještaju za učesnike koji ne žele da koriste kamp prostor ili planinsku kuću za smještaj:

- Planinarski dom Rujište: 30 kreveta

- Privatni smještaj u Nevesinju i Gackom.